



Møteprotokoll for Formannskapet

Møtedato: 22.11.2017
Møtestad: Osterøy rådhus - heradsstyresalen
Møtetid: kl. 13.00 – kl. 18.25

Frammøtte medlemmer	Parti	Rolle
Jarle Skeidsvoll	KRF	Ordfører
Mortensen, Alf Terje	FRP	Varaordfører
Johannes Haugland	SP	Medlem
Jon Flydal Blichfeldt	MDG	Medlem
Kjersti Ingolvsdotter Vevatne	V	Medlem
Hildegunn Mo	FRP	Medlem
Johannes Bysheim	AP	Medlem
Rita Aud Tveiten	AP	Medlem

Forfall meldt frå medlem	Parti	Rolle
Berit Moslett Borge (perm.)	H	Medlem

Frammøtte varamedlemmer	Parti	Erstattar medlem
Hjalti Heimir Gislason		Berit Moslett Borge

Følgjande frå administrasjonen møtte: Rådmannen og utvalssekretæren. Sektorleiar for Helse, omsorg og sosial møtte i sak 086/17.

Sakliste

Saknr	Tittel
083/17	Godkjenning av innkalling og sakliste
084/17	Godkjenning av møtebok
085/17	Referatsaker og meldingar
1	14/110 Høring av statlige planretningslinjer for klima- og energiplanlegging og klimatilpasning i kommunene
2	Vedtak om barnehage- og skulerute for skuleåret 2018-19

3	Tilstandsrapport for grunnskulen skuleåret 2016/17
086/17	Budsjett og økonomiplan 2018-2021
087/17	Anmodning om busetting av flyktningar 2018
088/17	Endeleg vedtak - planprogram kommunedelplan for oppvekst Osterøy kommune
089/17	Uttale - høyring av endringer i vannforskriften og naturmangfaldlova
090/17	Hovudtariffoppgjeret 2018, IA, pensjon og bemanningsnormer. Debatthefte -KS.
091/17	Stortingsvalet 2017 - evaluering av gjennomføringa i kommunen
092/17	Skjenkekontroll 21.10.17 - Kjellaren restaurant, Valestrandsfossen

083/17: Godkjenning av innkalling og sakliste

Rådmannen sitt framlegg:

Innkalling og sakliste vert godkjent.

22.11.2017 FORMANNSKAPET

Det vart fremma eit ønske om å ta opp referatsakene som ordinære saker.

Det var elles ikkje merknader til innkalling og sakliste.

FS - 083/17 VEDTAK:

Innkalling og sakliste vert godkjent.

084/17: Godkjenning av møtebok

Rådmannen sitt framlegg:

Møteprotokoll frå 08.11.17 vert godkjend.

22.11.2017 FORMANNSKAPET

Jon F. Blichfeldt, MDG, gjorde merknad til møteboka: han ønskjer at det skal opplysast om at han gjekk frå møtet i sak 082/17, grunna ugildskap.

FS - 084/17 VEDTAK:

Møteprotokoll frå 08.11.17 vert godkjend.

085/17: Referatsaker og meldingar

Rådmannen sitt framlegg:

"Referatsakene vert tekne til vitande."

22.11.2017 FORMANNSKAPET

Ordføraren gjorde slikt framlegg: «Referatsakene nr. 1, 2 og 3 vert tatt opp som ordinære saker.»

AVRØYSTING

Framlegget vart samrøystes vedteke.

FS - 085/17 VEDTAK:

«Referatsakene RS1, RS2 og RS3 vert tatt opp til ordinære saker.»

1: 14/110 Høring av statlige planretningslinjer for klima- og energiplanlegging og klimatilpasning i kommunene

Rådmannen sitt framlegg:

22.11.2017 FORMANNSKAPET

Jon F. Blichfeldt, MDG, gjorde slikt framlegg om høyringssvar frå Osterøy kommune: "Mange kommunar har ein vanskeleg økonomisk situasjon. Det er utfordrande å implementere klimatiltak i stadig større grad i arbeidet som gjerast i kommunen om ein ikkje har spesialkompetanse på området. For at kommunane skal klara å setja klimaplanlegging på dagsorden, må staten øymerka pengar til gjennomføring av klimaplanlegging på kommunalt nivå."

AVRØYSTING

Framlegget vart samrøystes vedteke.

FS - 1 VEDTAK:

Osterøy kommune gir slikt høyringssvar:

"Mange kommunar har ein vanskeleg økonomisk situasjon. Det er utfordrande å implementere klimatiltak i stadig større grad i arbeidet som gjerast i kommunen om ein ikkje har spesialkompetanse på området. For at kommunane skal klara å setja klimaplanlegging på dagsorden, må staten øymerka pengar til gjennomføring av klimaplanlegging på kommunalt nivå."

2: Vedtak om barnehage- og skulerute for skuleåret 2018-19

Rådmannen sitt framlegg:

Rådmannen sitt framlegg til vedtak:

Barnehage- og skuleruta for skuleåret 2018-19 vert vedteken slik den ligg føre i framlegget.

22.11.2017 FORMANNSKAPET

AVRØYSTING

Rådmannen sitt framlegg vart samrøystes vedteke.

FS - 2 VEDTAK:

Barnehage- og skuleruta for skuleåret 2018-19 vert vedteken slik den ligg føre i framlegget.

3: Tilstandsrapport for grunnskulen skuleåret 2016/17

Rådmannen sitt framlegg:

Rådmannen sitt framlegg til vedtak:

Tilstandsrapport for grunnskulen – skuleåret 2016/17 vert teken til vitande.

22.11.2017 FORMANNSKAPET

Ordføraren gjorde slikt framlegg: Saka vert send direkte til heradsstyret for endeleg vedtak.

AVRØYSTING

Framlegget vart samrøystes vedteke.

FS - 3 VEDTAK:

Tilstandsrapport for grunnskulen – skuleåret 2016/17 sendes til orientering i heradsstyret for endeleg vedtak. Den sendes vidare til heradsstyret utan vidare handsaming.

086/17: Budsjett og økonomiplan 2018-2021

Rådmannen sitt framlegg:

Rådmannen sitt framlegg til vedtak:

"Budsjett og økonomiplan 2018-2021 med investeringsplan vert vedteke på grunnlag av rådmannen si saksutgreiing til formannskapet inkl budsjett- og økonomiplandokumentet, med slike driftsrammer for 2018:

Midlar til fordeling (frå 1A)	427 998
Rådmannen/stabsseksjonar	57 164
IKTNH *	5 400
Oppvekst, undervisning og kultur	182 944
Helse, omsorg og sosial	183 034
Miljø og teknikk (eks sjølvkost)	23 431
Sjølvkostområda (gebyrfinansiert)	-7 800
Sum rammeområda inkl. sjølvkost	444 173
Sentrale postar	-20 900
Lønsreserve	4 725
Sum skjema 1B	427 998
Meir-/mindreforbruk	0

* Dette er mva-utgift. Den motsvarast av tilsvarande inntekt (mva-kompensasjon) på Sentrale postar.

1. Alle kommunale avgifter, gebyr, betalingssatsar og vederlag vert auka med 3 % frå 01.01.18 med mindre anna er nemnd særskild i budsjettpremissane, dette vedtaket eller andre reglar som fylgjer av lov eller føresegn.
2. Med verknad frå 01.01.2018 vert gebyr- og avgiftssatsane innan dei tekniske tenestene vatn, avlaup, slam, og feiing (sjølvkost) endra/fastsett i tråd med vedlagte dokument: Framlegg til gebyr Tekniske tenester 2018

3. **Gebysatsane for tekniske forvaltningstenester vert endra/fastsett frå 1.1.18 i tråd med vedlagte dokument: «Gebyrregulativ 2018 Plan-teknisk forvaltning - framlegg»**
4. **Renovasjonsgebyr.**
 - a. **Osterøy kommune vedtek at BIR Privat AS får delegert fullmakt til fakturering og innkrevjing av avfallsgebyret på vegne av Osterøy kommune, jfr § 12 i Forskrift om handtering av avfall frå hushaldning.**
 - b. **Prisen på renovasjonstenesta for 2018 vert sett ned med 1 %, med unntak av eigendelen for levering til gjenvinningsstasjonane og einskilte tenester utanfor standard renovasjon. Desse vert uendra. Kommunal påslag vert sett til kr 12.**
 - c. **Osterøy kommune vedtek avfallsgebyr i tråd med vedlagte prismatrise i dokumentet: Renovasjonsgebyr Osterøy kommune 2018.**
5. **Satsane for foreldrebetaling i barnehage vert halde i samsvar med statlege føringar i statsbudsjettet (maksimalpris).**
6. **Betalingsatsane for Skulefritidsordning (SFO) vert slik:**
 - d. Mindre enn 9 timar veke kr.1 395 (uendra)
 - e. 9-15 timar veke kr.1 695 (uendra)
 - f. Meir enn 15 timar veke kr.1 995 (uendra)
7. **Brukarbetaling for kulturskulen vert sett til kr 4 300 pr år (uendra)**
8. **Husleige i kommunale bygg for løpande avtalar vert auka tilsvarande endringa i konsumprisindeks sidan siste regulering, så langt anna ikkje følgjer av tidlegare vedtak i heradsstyret eller lov/føresegn. Ved inngåing av nye leigeavtalar vert husleiga tilpassa marknadspris.**
9. **Låneopptak (nye lån) til finansiering av investeringsprosjekt budsjettert i 2018 vert kr 111,45 millionar, herav sjølvkostlån kr 32,8 millionar.**
10. **Låneopptak til formidlingslån (Husbanken) vert sett til kr 8 millionar**
11. **Heradsstyret vedtek gjeldande låneportefølje for Osterøy kommune som følgjer som vedlegg til saka. Alle låna i portefølja kan verte refinansiert i 2017 og 2018. Rådmannen står fritt til å betale budsjetterte avdrag på dei låna han finn det føremålstenleg, uavhengig av opprinneleg vedtak.**
12. **Eigedomsskatt vert vidareført på alle eigedomar i Osterøy kommune for 2018.**
 - g. **Eigedomsskattesatsen vert sett til 7 promille (lova sin maksimalsats).**
 - h. **Eigedomsskattesatsen for bustad- og fritidseigedomar vert sett til 3,15 promille, jfr. eigedomsskattelova paragraf 12 bokstav a.**
 - i. **Botnfrådrag for bustaddelen på eigedomar vert sett til kr 0.**
 - j. **Det vert nytta formuesverdiar frå Skatteetaten som grunnlag for eigedomsskattegrunnlaget for bustadeigedomar der slike verdiar ligg føre**
 - k. **Klagenemnda for eigedomsskatt får kompetanse til å handsama klager etter paragraf 19 i eigedoms-skattelova, jfr. paragraf 20 i eigedomsskattelova.**
13. **Saker som kan medføre endring av dei vedtekne budsjettertrammene skal leggjast fram for formannskap/heradsstyre til avgjerd før tiltak vert sett i verk.**
14. **Rådmannen har framleis fullmakt til å gjera unntak i særskilde høve. I slike høve skal formannskapet/heradsstyret snarast orienterast om dette.**
15. **Budsjettoverskriddingar skal dekkast innan eige budsjettområde.**
16. **Budsjetttramma til Kyrkjeleg Fellesråd vert sett til kr 5,3 millionar inkl kommunal tenesteyting.**

Generelt:

Ordføreren får fullmakt til å godkjenna budsjettframlegg med tekstdel før offentlig utlegging, samt språkmessige og formmessige endringar og innarbeiding av vedtak i teksten.

22.11.2017 FORMANNSKAPET

Sektorleiar for Helse, omsorg og sosial gav ei orientering om budsjettetframlegget for sektoren i 2018.

Det vart halde pause i drøftingane med gruppemøte mellom Venstre og FRP frå kl. 16.02 - kl. 16.08.

Verbalforslag:

Johannes Bysheim, AP, gjorde slikt framlegg: "Ordninga med sal av økonomitenester til Modalen kommune vert avslutta så snart dette let seg gjennomføra. Inndekninga vert å finna innanfor ramma til «rådmann og stab»."

Framlegget vart satt fram som verbalforslag til heradsstyret.

Jon F. Blichfeldt, MDG, gjorde slik framlegg: "Osterøy kommune melder seg inn i Transparency International om administrasjonen finn økonomisk handlingsrom til dette."

Framlegget vart satt fram som verbalforslag til heradsstyret.

Jon F. Blichfeldt, MDG, gjorde slik framlegg: "Osterøy kommune skal arbeide for å redusere innkjøp av eingongsmateriell i dei einingane ein har alternative løysingar."

Framlegget vart satt fram som verbalforslag til heradsstyret.

Avgift på oppdrettsfisk:

Johannes Bysheim, AP, gjorde slik framlegg: "Ny avgift på oppdrettsfisk vert teke ut av økonomiplanen."

AVRØYSTING

Framlegget vart samrøystes tilrådd.

Lærarstillingar:

Johannes Bysheim, AP, gjorde slikt framlegg: "Dei to ekstra lærarstillingane ved Osterøy ungdomsskule vert vidareført. Midlar til å dekkja inn dei to ekstra lærarstillingane ved Osterøy ungdomsskule vert overført frå budsjettamma til sektoren Helse, omsorg og sosial til sektoren Oppvekst, undervisning og kultur."

Kjersti Vevatne, V, gjorde slikt framlegg: "Ei ekstra lærarstilling ved Osterøy ungdomsskule vert vidareført. Midlar til å dekkja ei ekstra lærarstilling ved Osterøy ungdomsskule vert overført frå budsjettramma til sektoren Helse, omsorg og sosial til sektoren Oppvekst, undervisning og kultur."

AVRØYSTING

Rådmannen sitt framlegg: 2 røyster (2FRP)

Johannes Bysheim sitt framlegg: 4 røyster (1MDG, 2AP, 1KRF)

Kjersti Vevatne sitt framlegg: 3 røyster (1V, 1SP, 1uavh.)

Det vart halde pause i drøftingane med gruppemøte mellom Venstre og KRF frå kl. 16.45 - kl.16.55.

Helse, omsorg og sosial:

Kjersti Vevatne, V, gjorde slikt framlegg på vegne av Venstre og KRF: "2 millionar vert sett av frå disposisjonsfondet til utvikling og omstillingstiltak innan sektoren Helse, omsorg og sosial. Prosjektplan skal leggjast fram for heradsstyret for endeleg godkjenning. Det skal rapporterast om framdrift kvart tertial."

Framlegget vart trekt før avrøysting.

Johannes Bysheim, AP, gjorde slikt framlegg: "5 millionar vert teke ut av ramma til sektoren Helse, omsorg og sosial. Desse pengane skal setjast av til tiltak innan Helse, omsorg og sosial som vil medføra framtidig reduserte driftskostnader. Tildelingar av midlar frå denne potten skal styrast av heradsstyret. For å få tildelt midlar må sektoren leggja fram ei sak, der ein spesifiserer tiltak, kostnad, forventa innsparing og tidsramme for gjennomføring. Det skal i ettertid rapporterast på framdrift og måloppnåing. Midlane kan ikkje nyttast i andre sektorar, utan politisk vedtak om dette."

Framlegget vart trekt før avrøysting.

Johannes Bysheim, AP, gjorde slikt framlegg: "1,5 millionar vert teke ut av ramma til sektoren Helse, omsorg og sosial. Desse pengane skal setjast av til tiltak innan Helse, omsorg og sosial som vil medføra framtidig reduserte driftskostnader. Tildelingar av midlar frå denne potten skal styrast av heradsstyret. For å få tildelt midlar må sektoren leggja fram ei sak, der ein spesifiserer tiltak, kostnad, forventa innsparing og tidsramme for gjennomføring. Det skal i ettertid rapporterast på framdrift og måloppnåing. Midlane kan ikkje nyttast i andre sektorar, utan politisk vedtak om dette."

AVRØYSTING

Alternativ avrøysting

Rådmannen sitt framlegg: 6 røyster (2FRP, 1SP, 1MDG, 1V, 1uavh.)

Johannes Bysheim sitt framlegg: 3 røyster (2AP, 1KRF)

Investeringsbudsjett

Hjalti Heimir Gislason, uavhengig, gjorde slikt framlegg: "Endring Investeringsoversyn (budsjettskjema 2B) - «Kritiske prosjekt, samt prosjekt som pågår»: «Ny barnehage Vågenessvingen Valestrand - førebuande arbeid» vert endra til «Ny barnehage Valestrand - førebuande arbeid»."

AVRØYSTING

Alternativ avrøysting

Rådmannen sitt framlegg: 1 røyst (1SP)

Hjalti H. Gislason sitt framlegg: 8 røyster (1KRF, 2FRP, 2AP, 1MDG, 1V, 1uavh.)

Hjalti H. Gislason, uavhengig, gjorde slikt framlegg: "Endring i investeringsoversyn (budsjettskjema 2B) - «Kritiske prosjekt, samt prosjekt som pågår»: «Forprosjekt framtidig gravplassløyising» utgår".

AVRØYSTING

Alternativ avrøysting

Rådmannen sitt framlegg: 2 røyster (2FRP)

Hjalti H. Gislasons sitt framlegg: 7 røyster (1KRF, 2AP, 1MDG, 1SP 1V, 1uavh.)

Hjalti H. Gislason, uavhengig, gjorde slikt framlegg: "Endring i investeringsoversyn (budsjettskjema 2B) - «Kritiske prosjekt, samt prosjekt som pågår»: Ladestasjonar utgår."

AVRØYSTING

Alternativ avrøysting

Rådmannen sitt framlegg: 5 røyster (1KRF, 2AP, 1MDG, 1V)

Hjalti H: Gislason sitt framlegg: 4 røyster (2FRP, 1SP, 1uavh.)

FS - 086/17 VEDTAK:

Formannskapet gav tilråding i samsvar med rådmannens framlegg og med slike endringer som vart tilrådde i møtet:

"Budsjett og økonomiplan 2018-2021 med investeringsplan vert vedteke på grunnlag av rådmannen si saksutgreiing til formannskapet inkl budsjett- og økonomiplandokumentet, med slike driftsrammer for 2018:

Midlar til fordeling (frå 1A)	427 998
Rådmannen/stabsseksjonar	57 164
IKTNH *	5 400
Oppvekst, undervisning og kultur	183 594
Helse, omsorg og sosial	182 384
Miljø og teknikk (eks sjølvkost)	23 431
Sjølvkostområda (gebyrfinansiert)	-7 800
Sum rammeområda inkl. sjølvkost	444 173
Sentrale postar	-20 900
Lønsreserve	4 725
Sum skjema 1B	427 998
Meir-/mindreforbruk	0

* Dette er mva-utgift. Den motsvarast av tilsvarende inntekt (mva-kompensasjon) på Sentrale postar.

1. **Alle kommunale avgifter, gebyr, betalingssatsar og vederlag vert auka med 3 % frå 01.01.18 med mindre anna er nemnd særskild i budsjettpremissane, dette vedtaket eller andre reglar som fylgjer av lov eller føresegn.**
2. **Med verknad frå 01.01.2018 vert gebyr- og avgiftssatsane innan dei tekniske tenestene vatn, avlaup, slam, og feiing (sjølvkost) endra/fastsett i tråd med vedlagte dokument: Framlegg til gebyr Tekniske tenester 2018**
3. **Gebyrsatsane for tekniske forvaltningstenester vert endra/fastsett frå 1.1.18 i tråd med vedlagte dokument: «Gebyrregulativ 2018 Plan-teknisk forvaltning - framlegg»**
4. **Renovasjonsgebyr.**
 1. **Osterøy kommune vedtek at BIR Privat AS får delegert fullmakt til fakturering og innkrevjing av avfallsgebyret på vegne av Osterøy kommune, jfr § 12 i Forskrift om handtering av avfall frå hushaldning.**
 2. **Prisen på renovasjonstenesta for 2018 vert sett ned med 1 %, med unntak av eigendelen for levering til gjenvinningsstasjonane og einskilde tenester utanfor standard renovasjon. Desse vert uendra. Kommunal påslag vert sett til kr 12.**
 3. **Osterøy kommune vedtek avfallsgebyr i tråd med vedlagte prismatrise i dokumentet: Renovasjonsgebyr Osterøy kommune 2018.**

5. Satsane for foreldrebetaling i barnehage vert halde i samsvar med statlege føringar i statsbudsjettet (maksimalpris).

6. Betalingssatsane for Skulefritidsordning (SFO) vert slik:

- | | |
|----------------------------|-------------------|
| 1. Mindre enn 9 timar veke | kr.1 395 (uendra) |
| 2. 9-15 timar veke | kr.1 695 (uendra) |
| 3. Meir enn 15 timar veke | kr.1 995 (uendra) |

7. Brukarbetaling for kulturskulen vert sett til kr 4 300 pr år (uendra)

8. Husleige i kommunale bygg for løpande avtalar vert auka tilsvarande endringa i konsumprisindeks sidan siste regulering, så langt anna ikkje følgjer av tidlegare vedtak i heradsstyret eller lov/føresegn. Ved inngåing av nye leigeavtalar vert husleiga tilpassa marknadspris.

9. Låneopptak (nye lån) til finansiering av investeringsprosjekt budsjettert i 2018 vert kr 111,25 millionar, herav sjølvkostlån kr 32,8 millionar.

10. Låneopptak til formidlingslån (Husbanken) vert sett til kr 8 millionar

11. Heradsstyret vedtek gjeldande låneportefølje for Osterøy kommune som følgjer som vedlegg til saka. Alle låna i portefølja kan verte refinansiert i 2017 og 2018. Rådmannen står fritt til å betale budsjetterte avdrag på dei låna han finn det føremålstenleg, uavhengig av opprinneleg vedtak.

12. Eigedomsskatt vert vidareført på alle eigedomar i Osterøy kommune for 2018.

1. Eigedomsskattesatsen vert sett til 7 promille (lova sin maksimalsats).
2. Eigedomsskattesatsen for bustad- og fritidseigedomar vert sett til 3,15 promille, jfr. eigedomsskattelova paragraf 12 bokstav a.
3. Botnfrådrag for bustaddelen på eigedomar vert sett til kr 0.
4. Det vert nytta formuesverdiar frå Skatteetaten som grunnlag for eigedomsskattegrunnlaget for bustadeigedomar der slike verdiar ligg føre
5. Klagenemnda for eigedomsskatt får kompetanse til å handsama klager etter paragraf 19 i eigedoms-skattelova, jfr. paragraf 20 i eigedomsskattelova.

13. Saker som kan medføre endring av dei vedtekne budsjettrammene skal leggjast fram for formannskap/heradsstyre til avgjerd før tiltak vert sett i verk.

14. Rådmannen har framleis fullmakt til å gjera unntak i særskilde høve. I slike høve skal formannskapet/heradsstyret snarast orienterast om dette.

15. Budsjettoverskridingar skal dekkast innan eige budsjettområde.

16. Budsjetttramma til Kyrkjeleg Fellesråd vert sett til kr 5,3 millionar inkl kommunal tenesteyting.

Generelt:

Ordføraren får fullmakt til å godkjenna budsjettframlegg med tekstdel før offentleg utlegging, samt språkmessige og formmessige endringar og innarbeiding av vedtak i teksten.

087/17: Anmodning om busetting av flyktningar 2018

Rådmannen sitt framlegg:

Rådmannen sitt framlegg til vedtak:

“Osterøy kommune følgjer oppmodinga frå IMDI om å busetje 10 flyktningar i 2018.”

22.11.2017 FORMANNSKAPET

Alf Terje Mortensen, FRP, gjorde slikt framlegg: «Det vert vedteke at Osterøy kommune ikkje skal busetje 10 flyktningar i 2018.»

AVRØYSTING

Alternativ avrøysting

Alf Terje Mortensen sitt framlegg: 2 røyster (2FRP)

Rådmannen sitt framlegg: 7 røyster (1KRF, 1MDG, 2AP 1V, 1SP, 1uavh.)

FS - 087/17 VEDTAK:

Innstilling til heraddstyret:

“Osterøy kommune følgjer oppmodinga frå IMDI om å busetje 10 flyktningar i 2018.”

088/17: Endeleg vedtak - planprogram kommunedelplan for oppvekst Osterøy kommune

Rådmannen sitt framlegg:

Rådmannen sitt framlegg til vedtak:

“Osterøy kommune vedtek framlegg til planprogram for kommunedelplan for oppvekst med heimel i plan- og bygningslova (PBL) §11-13”.

22.11.2017 FORMANNSKAPET

AVRØYSTING

Framlegget vart samrøystes vedteke.

FS - 088/17 VEDTAK:

“Osterøy kommune vedtek framlegg til planprogram for kommunedelplan for oppvekst med heimel i plan- og bygningslova (PBL) §11-13”.

089/17: Uttale - høyring av endringer i vannforskriften og naturmangfaldlova

Rådmannen sitt framlegg:

Rådmannen sitt framlegg til vedtak:

Vedlagt uttale vert oversendt Klima- og miljødepartementet

22.11.2017 FORMANNSKAPET

AVRØYSTING

Framlegget vart samrøystes vedteke.

FS - 089/17 VEDTAK:

Vedlagt uttale vert oversendt Klima- og miljødepartementet.

090/17: Hovudtariffoppgjeret 2018, IA, pensjon og bemanningsnormer. Debatthefte -KS.

Rådmannen sitt framlegg:

Rådmannen sitt framlegg til vedtak:

“Osterøy kommune gir slikt innspel til KS sitt mandat i samband med hovudtariffoppgjeret våren 2018.”

22.11.2017 FORMANNSKAPET

AVRØYSTING

Framlegget vart samrøystes vedteke.

FS - 090/17 VEDTAK:

"Osterøy kommune gir slikt innspel til KS sitt mandat i samband med hovudtariffoppgjeret våren 2018."

091/17: Stortingsvalet 2017 - evaluering av gjennomføringa i kommunen

Rådmannen sitt framlegg:

Rådmannen sitt framlegg til vedtak:

“Evalueringa av gjennomføring av stortingsvalet vert teken til vitande.”

22.11.2017 FORMANNSKAPET

AVRØYSTING

Rådmanne framlegg vart samrøystes vedteke.

FS - 091/17 VEDTAK:

“Evalueringa av gjennomføring av stortingsvalet vert teken til vitande.”

092/17: Skjenkekontroll 21.10.17 - Kjellaren restaurant, Valestrandsfossen

Rådmannen sitt framlegg:

Rådmannen sitt framlegg til vedtak:

“Kjellaren restaurant, org.nr. vert i medhald av alkoholforskrifta § 10-3, jfr. same forskrift § 10-2, tildelt fire prikkar for overtreding av alkohollova § 4-4 om skjenketid.

Grunngjeving for prikktildeling: I samband med skjenkekontrollen 21.10.17 er det dokumentert at det vart seld og utlevert alkohol til fleire gjestar etter kl. 01.00. Dette er i strid med alkohollova § 4-4 om skjenketid, og etter alkoholforskrifta § 10-3, jfr. § 10-2, medfører dette regelbrotet tildeling av fire prikkar.”

22.11.2017 FORMANNSKAPET

AVRØYSTING

Rådmanne framlegg var samrøystes tilrådd.

FS - 092/17 VEDTAK:

Innstilling til heradsstyret:

“Kjellaren restaurant, org.nr. vert i medhald av alkoholforskrifta § 10-3, jfr. same forskrift § 10-2, tildelt fire prikkar for overtreding av alkohollova § 4-4 om skjenketid.

Grunngjeving for prikktildeling: I samband med skjenkekontrollen 21.10.17 er det dokumentert at det vart seld og utlevert alkohol til fleire gjestar etter kl. 01.00. Dette er i strid med alkohollova § 4-4 om skjenketid, og etter alkoholforskrifta § 10-3, jfr. § 10-2, medfører dette regelbrotet tildeling av fire prikkar.”

Til å skrive under møteprotokollen saman med ordføraren, vart desse valde: Alf Terje Mortensen og Kjersti I. Vevatne.

Lonevåg, 28.11.17

Marie K. Thorsen

Utvalssekretær

Jarle Skeidsvoll

Ordførar

Alf Terje Mortensen

Kjersti I. Vevatne